

金鎖流珠引卷之七

思六

金鎖流珠引卷之七

思六

中華總真學秀平張道陵趙昇王喬命李儒茅君許秀等係代撰

中華仙人 李淳風 註

說中篇上部轉身存用圖

諸道士若心修道讀經念真朝暮朝禮上香  
或一日三時或一日六時或一日兩時之者  
如此用心或十年二十年三十年或畢一生  
皆无所得老病枯滅或即絕穀棲山燒丹鍊  
藥年數深遠都无神靈何以憑託如此之子  
滅度至多若不得門有何可據若憑於齋戒

清高絕妻棄子者又衆不論道釋此子更多  
總无一人得延生延命長生人世何況覓於  
昇雲駕龍上爲真人今釋氏典云今生修來  
生所有所受不可爲憑註佛經云今生修來  
生受者非也我大道猶不許起念要國王大

思六

臣之心恐要永固其身何必捨今生驕富之  
心欲求來生重報此言妄極不可信爲須求  
受至道之門修行至道之要今生而見爲道  
君臣豈不全於身心在道今道在此身心俱  
修取不敗壞之體豈不妙也此說因緣下教

註佛經多說因緣此下人及无知女子多說  
死生答報之因誘於愚下布施不可上人奉  
行道說自然天生地育既天生地育水火而  
始成身長成人身乃至於老死亦是天地水  
火而始滅故生滅之本三界之中事事皆在

自然非在修種註佛經重修種之言不受自  
然之教但以直於身心在道道種因福亦在  
此身心萬行內修豈關外種註真人修身心  
不修土木塔廟真人鍊身心不鍊金石事事  
在自然之教也故上真用法訣不出一身之

內弘彌天地之間註含弘圖之說也後聖君  
告西王母小女曰汝少讀書長大事人後數  
年見人讀老君經始學讀乃識文字既識文  
字如身中神名遍知否因聞說知神乃授此  
轉身幽思結心印訣之法註正是此流珠之

思六

二

內訣法也後大神通却教王母註母先但能  
長生乘龍行天地呼即可龍駕不能自攝龍  
鶴師子今起念雲龍滿天兵吏暗地母子俱  
得今號仙王也又再下授天師令以精思兼  
考名之法法成身受考召中正法之師此世

天官亦同大郡守主之任身法不輕百日一  
思巡註巡檢世之妖神祟鬼精邪令不為人  
崇十日一存用註用者思存用法觀世界恐  
有惡精邪神龍鬼妄為崇害於人及天地中  
常恐有毒炁濁亂於人物又恐日月不明星  
宿不行風雨不時神鬼欺人如此等事是其  
一其二即自理身常令三魂七魄俱正正炁  
常行精魄分明可以長生生之如圖日月分  
明星宿內照註存七星俱入五臟之內鎮守  
身神欲存出道父之形狀如圖也或在軍陣

或在山草或作大禁之所住止閉炁一息禹  
步十二跡註此禹步十二跡四步十二跡主  
十二支并十二月是太上老君授禹禹因傳  
世謂之禹步左手持道父註父者陽也男以  
左手持忽起起訖便思存之如人頭戴蓮華

思六

三

冠紫服在左手中漸漸上頭心前如自身存  
長短自身存長九丈紫衣四邊兵將執戈戟  
左青龍右白虎玄武朱雀羅列五雲容即右  
捻鬼目神目虎狼目惡人刀支自以朱塗之  
左右手相對於心前即叩齒三十六通開目

而祝存身爲考召法師註今對奏請爲考召  
使名也昔太上老君堯舜時爲務猶子往西  
國二百五十年內化明王達利爲佛使无極  
子爲考召法師披號曰觀音理世人疾病无  
天傷之人也兵將左右羅列如圖註圖在金  
鎖流珠經中如法巡遊於世界口中吐大風  
雲彌滿天地行道之命也

捻訣呪曰

天明明地靈靈吾爲考召主先天地始生巡  
爲天地使立爲天地兵禍惡逢自滅福德見



自生非但禁虎狼兼亦攝五兵神龍不敢神  
 妖邪不敢靈指山山為崩指水水為竭指石  
 石走轉指日日為明吾身行坐衛從有三百  
 六十萬兵隨吾手指指則風火雷電立即自  
 生急急如律令呪畢捻訣註訣在左手第一  
 指都監及遊鬼目遊鬼目在四指第一節  
 太上老君授十二跡禹步於黃帝註廣成子  
 時授帝也堯舜之代授禹禹傳世人也



老君曰夫求長生之道皆須步綱捻訣并及  
 救人制鬼伏神龍虎豹之法瘟毒疫癘之處  
 五兵之中皆能獨身迫出亦能禁制亦能令

思六

四

眾兵出害此法微妙不可得聞見聞見者得  
 通神神人衛護得此法皆須是明師先傳經  
 法籙後乃經三年兩年後方始傳此法訣此  
 法訣皆以口傳授一一依科法度不得一時  
 三卷五卷併傳皆別言他事破除傳日即三

事兩事作口訣一一傳是依前聖後聖之科  
便喜前聖後聖大道君至尊之心知不妄洩  
師弟俱得真仙豈非師之不妄傳弟子志能  
請授夫修求至道皆以傾心頓首謹信再求  
不可言言求師即分付如此世上凡師以順  
人情妄傳輕洩道法註上古大仙傳經法錄  
畢令修求三千日外方可傳引要法訣風今  
以見志人修求命在旦夕所以奏請教戒并  
以觀試三事五事得過心志不移志求長生  
願得濟世不泄非人遇人乃許便口傳授本

不傳於文字為其志道之人皆有健忘之疾  
記錄不習地府因此奏天曹上帝道君及後  
聖君知恐真人聖師下口口傳弟子不得仙  
罪責及三官將是天地水三官所害而死不  
是其人妄却口訣修奉无路所以不得仙於  
是前聖老君便令掌法訣真人思六光妙音五撰習  
引訣引入道門於此結習一十五卷付授穆  
天子及諸聖人修求之門咸世知有後聖君  
又勅王方平撰述三十卷傳授諸天及洞天  
或有出世得傳者張天師張沖虛李延年李

少君李八百李景祐李法舟李常仙李仲甫  
茅盈兄弟三人元少康真元子名仙章仲寬  
朱少陽欒巴東方朔尹喜徐甲徐察徐迴是  
甲子介象李不極等數百人皆習此道而一  
一得爲真人自相繼習爲道譜錄十五卷從

上古盤古之代結習繼代至於今時也之罪  
註昔黃盧子葛越在少室山中忽有一志心  
求道者不遇師忽遇越求越爲師越許之遂  
還家得金帛頓求受之越告卿早死罪也夫  
道法先傳蘇法後授靈書法訣卿太急速罪

及吾身遂不與授此人而去後果有神人下  
告越卿甚能用道心无有輕洩也太上老君  
告黃帝曰幽思轉身告命萬神註告命萬神  
者是身轉綱紀之步一十二跡是也以告身  
中萬神三塊七魄五藏百脉千筋萬靈之神  
今正定各主所司行生布炁興法動禁與天  
地神陰陽之神日月星象神合成一體往往  
如此於甲子日或六甲日一年通靈使兵二  
年去千毒攝萬兵三年而仙道成子但行心  
之處行住坐卧常存本師无不通靈合通天

地自得成真本命爲首註本命日常行思存  
如圖一年便通神神鬼畏敬一年之後使天  
地萬神皆應心口无不如意歲歲言功行之  
一年加五靈二年法備爲真人也三年四年  
上清漸親上感玉女中遇神人下攝萬靈无  
不追身行此之法无不成真後聖君告上元  
真人李方期曰卿欲言功受考召註考召法  
治一人病差是一功三千人是三千功欲得  
通神幽幽靜也思轉身註步綱之跡事須轉  
身古人言之轉身即今之步綱是也欲得成

思六

六

真步躡遠類如此行修上界天真再告言卿  
若行道功勤稍熟身有故不得行心存行之  
不絕即得亦如身行步之法驗靈其一也註  
上古仙人皆是心存之夫人行法精久心自  
存記入心作念便是即不為難也長存行之

子孫相係功加六親

金鎖流珠引卷之七

共  
收

